



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Moribundam feminam mira in ea operando extremo adiuuat certamine.

urn:nbn:de:hbz:466:1-43172

Ioannes Comparottus medicus qui vtrunq; curabat, vbi prædictioni euentum respondisse vidit, Philippum vt Dei amicum magis, magisq; venerari cœpit. P. Desiderio salutē diuinitus redditā B. viro pro eo orante affirmavit; simulq; adiecit, ingenti se admiratione affici cogitantem P. Bencinum, de cuius salute medici haud desperarāt, diem obijisse, & P. Consaluum, qui omnium opinione mortuus credebatur, cōtra omnem medicæ artis rationem è morbo euasisse incolumem.

*Eam rem
vt ceteros
fileam in-
returando
enūciarūt
Principes
femina
Beatrice
Caietana,
& Iulia
Vrsina
Rangona
vt aq; e-
nim spe-
ctaculo in-
terfuit.*

Moribundam feminam mira in ea operando extremo adiuuat certamine.

FEMINA Princeps eodem anno, Augusto mense, ad vltima, summa vi morbi adducta venerat, extremaque etsi patiebatur, signa tamen apparebant in ea, quæ serierem mortem denunciarent: hanc Philippus; cui^o pectus flagrabat charitate, visit, cumque paulisper pro

illa

illa diuinam precatus esset clemenciam, inde nescio quem ægrotū visum abijt: in itinere secum ipse, heu feminam! frequenter dicebat, heu auxilio indiget! res sua postulat, vt ei opem feramus: ad plateā S. Mariæ ad Martyres vt ventum est, reuertamur, ijs qui secum erant, ait, ad moribundam: senserat enim diuinitus se ad eam cum diabolo fortè dimicantem reuocari: quam reperit eodem prorsus modo habentē, vt antea, crederes eam egregiè adhuc robustam ad alium saltem diem spiritum ducturam esse omnino: tum Philippus, vt feminæ subueniat, quibusdam, qui eius insidebāt lectulo, foras exire iussis, in moribundæ faciem primū, semel atque iterum exuflat, tum preces pro ea ad Deum fundens, ipsamque sermone de rebus diuinis perbreui confirmans in hæc tandem verba prorumpit: iubeo tibi anima, Dei nomine, vt ex hoc corpore egre-

diaris. quibus dictis, ex templo mulier (cunctis qui aderant stupentibus, factumque initio non credentibus) spiritum efflauit.

Aegrotantem morbo eximit.

Totam rem ipsa Victoria iurata testatur, eandemque à domesticis accepimus.

HOcipso opinor, anno, mense Octobri accidit Victoriæ Varesiæ Romanæ, vt ingenti dolore correpta, sed in læua scapula, eo tam acerbè opprimeretur, vt anhelitum trahere vix posset, nec noctu conquiescere, nec in lecto decumbere. His in angustijs B. Philippi memor ad eius iterum opem confugit, enixèque rogat præsentem se morbo eripiat: Nec irrita; Philippus namque affectam mox partem pugno percutiens, Abi inquit, ex morbo planè conualesces, Mira res: Victoriæ ex templo melius fuit, vixque domum, quàm nostris ædibus proximã habebat, peruenit, cum in statum valetudinis pristinum restitutam se animaduertit.

Gregoriij